



Inatsisartunut ilaasortaq Ane Hansen, Inuit Ataqatigiit  
Inatsisartut Allattoqarfiat  
/Maani

**Oqartussaaffiit agguarneqarnerat pillugu § 37 naapertorlugu apeqquummut nr. 134-  
mut akissut**

29-05-2015  
Suliap normua 2015-115329  
All. nr. 1973965

Asasara Ane Hansen

Postboks 101  
3900 Nuuk  
Oqarasuaat (+299) 34 50 00  
Fax (+299) 32 50 02  
E-mail: govsec@nanoq.gl  
www.naalakkersuisut.gl

Inatsisartut suleriaasianni § 37 naapertorlugu oqartussaaffiit agguarneqarnerat pillugu Naalakkersuisunut apeqquaqateqarputit. Apeqqutit uannut akineqartussanngortin-  
neqarsimapput.

Apeqqutigineqartunut akissutikka ataani tullerriaarlutik allassimapput:

**Apeqqut:**

Suna tungavia Kalaallit Nunaanni Aalisarnermut Nakkutilliisoqarfiup KANUAANA-p Aalisarnermut pisorta qarfiimmiit akileraartarnermut pisorta qarfiup ataanut nuunneqar-  
neranut?

**Akissut:**

Inatsisartut Naalakkersuisullu pillugit Inatsisartut inatsisaanni § 23, imm. 1-imi maleru-  
aqqsat malillugit Naalakkersuisut Siulittaasuattut Naalakkersuisut susassa qarfiit  
Naalakkersuisunut ilaasortat akornanni agguaattarpakka. Aalajangersakkamut tassunga  
inatsisinut nassuiaatini takuneqarsinnaavoq, Naalakkersuisut Siulittaasuata sukkulluun-  
niit nammineerluni aalajangersinnaagaa Naalakkersuisuni susassa qarfiit (oqartussaaffi-  
it/suliassa qarfiit) qanoq agguanneqassanersut, tassa kisermaassineq matumani  
pineqarpoq, salliusussa anermik taaneqartartoq.

Naalakkersuisunut ilaasortat akornanni susassa qarfinnik agguasoqartarpoq ilaatigut  
Naalakkersuisut pillugit suleqatigiinnissamut politikikkut tunngavissatut isumaqatigiis-  
sutaasut aallaavigalugit, taamalu sapinngisamik allaffissornerup aqqissuussa anerani  
naleqqutinngitsunik pinngitsuuniarluni. Tamanna tunngavigalugu naleqquttuosorivara  
Kalaallit Nunaanni Aalisarsinnaanermut Akuersissutinik Nakkutilliisoqarfiup KANU-  
AANA-p aqqissuussa assutsimigut inissisimanerata Aalisarnermut, Piniarnermut Nuna-  
leriner nullu Naalakkersuisoqarfimmit Aningaasa qarnermut Naalakkersuisoqarfimmut  
nuunneqarnissaa. Kalaallit Nunaanni Aalisarsinnaanermut Akuersissutinik Nakkuti-  
lisoqarfiup pingaarnertut suliassaraa aalisarnermik, piniarnermik aallaaniarnermillu nak-  
kutilliinissaq nakkutiginninnissarlu.

**Apeqquut:**

Naalakkersuisoqarfinni assigiinngitsuni suut allat aamma Naalakkersuisoqarfinnut allanut nuunneqarpat?

**Akissut:**

Maanna Naalakkersuisuusut pilersinnerannut ilassutitut Inatsisartut Naalakkersuisullu pillugit Inatsisartut inatsisaanni maleruaqqusat naapertorlugit aalajangerpunga oqartussaaffiit uku naleqqussarneqassasut, taakku qitiusumik allattoqarfimmi oqartussaaffinik allannguineq pillugu kaajallaasitaq 14. januar 2015-imeersoq aqqutigalugu naalakkersuisoqarfiit qitiusumik allaffeqarfiinut ingerlateqqinneqarput:

- Aningaasaqarnermut Naalakkersuisoqarfik aamma Aatsitassanut Naalakkersuisoqarfik Aningaasaqarnermut Aatsitassanut Ikummatissanullu Naalakkersuisup ataani naligiimmik oqartussaaffittut pilersinneqarput,
- Aatsitassanut tunngasuni Naalakkersuisoqarfiup suliassai Aatsitassanut Ikummatissanullu Aqutsisoqarfimmit Aatsitassanut Ikummatissanullu Naalakkersuisoqarfimmut nuunneqarput,
- Kalaallit Nunaanni Aalisarsinnaanermut Akuersissutinik Nakkutilliisoqarfik (KANU-AANA) Aalisarnermut, Piniarnermut Nunalerinermullu Naalakkersuisoqarfimmit Aningaasaqarnermut Naalakkersuisoqarfimmut nuunneqarpoq,
- Aatsitassanut Ikummatissanullu Aqutsisoqarfik aamma Geologimut immikkoortoqarfik Inuussutissarsiornermut, Aatsitassaqarnermut Suliffeqarnermullu Naalakkersuisumit Aatsitassanut Naalakkersuisup ataani Aatsitassanut Ikummatissanullu Naalakkersuisoqarfimmut nuunneqarput. Aatsitassanut tunngasuni inuiaqatigiit aningaasaqarnikkut susassaqaarfiinik isumaginninneq Inuussutissarsiornermut, Suliffeqarnermut, Niuernermut Nunanullu Allanut Naalakkersuisup ataaniiginnarpoq, soorlu avatangiisinik illersuineramik isumaginninneq allannguuteqarani Pinngortitamut, Avatangiisinut Inatsisinillu Atuutsitsinermut Naalakkersuisup ataaniittoq. Aatsitassanut Ikummatissanullu tunngasut maanna akissummi matumani nasuiarneqartutut aqqissuunneqareerput.
- Inuussutissarsiornermut, Suliffeqarnermut Niuernernullu Naalakkersuisoqarfik aamma Nunanut allanut Pisortaqaarfik Inuussutissarsiornermut, Suliffeqarnermut, Niuernermut Nunanullu Allanut Naalakkersuisup ataani naligiimmik oqartussaaffittut pilersinneqarput,
- Great Greenlandimut kiffartuussinissamik isumaqatigiissutit, Neqi A/S kiisalu nunaqarfinni sanaartugassat KNI-lu pillugit kiffartuussinissamik isumaqatigiissutit Aalisarnermut, Piniarnermut Nunalerinermullu Naalakkersuisoqarfimmit Inuussutissarsiornermut, Suliffeqarnermut Niuernernullu Naalakkersuisoqarfimmut nuunneqarput,
- Nunani tamalaani silaannaap pissusiisigut aamma uumasut assigiinngisitaartuunerat pillugit suliassat Pinngortitamut, Avatangiisinut Inatsisinillu Atuutsitsinermut Naalakkersuisoqarfimmit Nunanut allanut Pisortaqaarfimmut nuunneqarput,
- Ilaqutariinnermut tunngatillugu suliassat Naalakkersuisut Siulittaasuata Naalakkersuisoqarfianit Pinngortitamut, Avatangiisinut Inatsisinillu Atuutsitsinermut Naalakkersuisoqarfimmut nuunneqarput.

**Apeqquut:**

Naalakkersuinikkut oqartussaaffiit assigiinngitsut nuunneqartariaqarsimanerannut suut nalilersuutit tungavilersuutaappat.

**Akissut:**

Naalakkersuisunut ilaasortat akornanni susassaqarfinnik agguaasoqartarpoq ilaatigut Naalakkersuisut pillugit suleqatigiinnissamut politikikkut tunngavissatut isumaqatigiis-sutaasut aallaavigalugit, taamalu sapinngisamik allaffissornerup aqqissuussaananerani naleqqutinngitsunik pinngitsuiniarluni.

Neriuppunga qulaani allassimasuni akissutigisakka naammagissagitit.

Inussiarnersumik inuulluaqqusillunga



Kim Kielsen